



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

An co[m]municantes sint de necessitate Missæ tit. 113

urn:nbn:de:hbz:466:1-29452

crato. in Anglia sedent in scamno, & secundum ordinem alter alteri porrigit & propinat sacramentum, & omnes confusi sunt dissensione mutua, sicut ædificatores turris Babylonicæ, Gen. 11. quorum nullus alterum audit, sed sic dissipat Deus ossa eorum, qui hominibus placent.

AN COMMUNICANTES

sint de necessitate Missæ.

TITVLVS CXIII.

Primò, in omni Missa sacerdos celebras, communicat ipsemet de corpore & sanguine Domini nostri Iesu Christi, & hoc propter præceptum & ordinationem Christi, Accipite & comedite, Matth. 26. sed numerus comunicantium nullibi est scriptus, an duo vel tres &c. debeant esse. Ergo quando vnus communicat, id est, sacerdos, satis fit præcepto Christi, quando & seclæ vnum comunicat, id est, ægrotum: Reali ergo communioni vel vnus sufficit.

Secundò, in omni Missa circumstantes (sicut etiam absentes) spiritualiter per fidem comunicantur cum sacerdote, quãdò credunt, dum vident corpus & sanguinem Christi pro peccatis suis traditum. Roma 4. & gratias agunt: illi spiritualiter etiam manducant & communicant.

Etsi non sunt presentes, at tamen quia aut ordinantur aut fundant legi Missas, ad laudem & gratiarum actionem Deo, & ad orandum pro ipsis & omnibus fidelibus, &c. & quotquot sunt qui cupiunt participationem Missæ, illi manducant & bibunt spiritualiter in fide in Missa cum sacerdote. & sic nulla Missa fit sine pluribus comunicantibus. Sic inquit David Psal. 118. Particeps sum ego omnium timentium te. 1. Cor. 10. Vnus panis & vnum corpus omnes sumus,

Tt 5 qui

qui de vno pane & calice participamus. Ergo totus mundus communicat cum sacerdote, vel corporaliter, vel spiritualiter in omni Missa. Ergo nulla Missa fit sine communicantibus.

Secundò, quia hæc tria, consecratio, sacramenti comestio, memoria, possunt fieri à solo sacerdote, & hæc sunt substantialia Missæ: ideo Missa non est negligenda propter defectum communicantium: quare solum commentum est ex odio hæreticorum, &cæt. Si enim Missæ propter communicantium defectum relinquerentur, tunc multæ preces, laudes, gratiarum actiones negligenter: neque enim comestio sacramenti est potissima & sola causa Missæ, sed etiam memoria, quæ fieri potest sine comestione, spiritualiter tamen etiam cum memoria fit vsus & comestio sacramenti, vt dictum est. Sic etiam Missa sacrificium laudis dicitur, vt inquit Lyra in Psalm. 49. quia cum laudibus DEI, orationibus & gratiarum actionibus fit & peragitur.

Tertiò, Fundatores Missarum & beneficiorum, non solum propter communicationem fundarunt ea in Ecclesijs, sed potiùs, vt quotidie Deus laudaretur, gratiæ agerentur pro passione Christi, & redemptione nostra per Dominum nostrum Iesum Christum, qui mortuus est pro peccatis nostris, Romano quarto. Subindè vt orarent beneficiati omni die pro se & vniuerso statu mundi & omnibus hominibus, vt in illis sit efficax mors Christi, & nedum viuus, sed etiam defunctis, Nam idem Dominus omnium illorum est, & communis propitiator constitutus in sanguine suo, Romano tertio. Pro illis igitur & nobis oramus in Missa. Sed odit sathan huiusmodi preces, ideo libenter ex toto velit abolitam Missam. Sed non est dubium, quin Deus multa bona largiatur propter deuotas Missas &c.